

ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

nazymnik 2024
28. lětnik, 288. wudaće

Wotchadna jězba 10. lětnika



My, šulerjo a šulerki 10. lětnika, podachmy so wot 2. do 6. septembra na wotchadnu jězbu do Podstupima. Naša jězba z ćahom wjedžeše nas jako přenje do Berlina. Tam wobhladachmy sej NDR-ski muzej z mnoho zajimawostkami tutoho časa. Mějachmy hišće tróšku swobodneho časa w Berlinje, prjedy hač sej do našeje młodownje w Podstupimje dojedźechmy. Mała skupina našich šulerjow a šulerkow spřihotowa nam stódnju wječer. Wutoru rano wupožcichmy sej kolesa a wobhladachmy sej tak Podstupim. Dojedźechmy sej k Glienickskemu mostej („Glienicker Brücke“), hdžež so w času džělenja Němskeje wjacekróć agenća mjez Zwjazkowej republiku Němskeje a Němskej demokratiskej republiku wuměnichu. Kolesowarska tura wjedžeše nas dale k



znatemu hrodej Sanssouci. Z pomocu słuchatkow hibachmy so po hrodže a



wotkrywachmy sej krasnje wuhotowane rumnosće pyšneho hrodu. Srjedu jědžechmy z ćahom znowa do stolicy Němskeje. Wobhladachmy sej Berlinsku murju, štož běše za nas wosebje zajimawe dožiwjenje. Po krótkej přestawce započina so wjedženje dokoławokoło a w tak

mjenowanym „Reichstag“, sydle zwjazkowego sejma (Bundestag). Tu mějachmy zajimawy přednošk wo zwjazkowym sejmje a nadawkach ministerstwow kaž tež zwjazkowego kanclera. Wuhlad ze škleńčaneje kupole twara na Berlin běše za nas wosebity highlight. Dalša zajimawostka, kotruž sej wobhladachmy, běchu Braniborske wrota. Tutu kulisu wužiwachu mnozy z nas, zo bychu tón abo tamny foto z přećelemi činili. Wječor smy w Podstupimskim „Holandskim běrtlu“ („Holländerviertel“) derje wječerjeli. Štwórtek běše čotmikowanje planowane. Cyće dopođnjo čotmikowachmy po Haboli (Havel). Wučerpani wjeselachmy so na zastuženju přestawku w młodowni. Nawječor pražachmy sej kotbaski a wječor wuklinči z wjesotej zabawu. Na poslednim dnju podachmy so znowa do Berlina, tutón raz pak z wačokami. Naš cil běše „Jumphouse“, to je wulka hala z mnoho trampolinami. Wubědžowachmy so mjez sobu w skakanju, wuspytachmy wšelakore skoki a mějachmy při tym tójšto wjesela. Sprócni, ale poňje njezapomnitych wokomikow zhromadneje jězby podachmy so na dompuć.




Wólby dorosta do krajneho sejma: Serbska wyša šula Ralbicy je so wobdźělita

Projekt „Juniorwahl“ wotměwa so paralelnje k wólbam do krajneho sejma w Sakskej. Tute wólby su simulacija za šulerjow a šulerkow wot 7. do 12. lětnika. Po cyłej Sakskej wobdźěli so



76.658 šulerjow a šulerkow. Z Ralbičan wyšeje šule běchu to šulerjo a šulerki z lětnikow 8, 9 a 10. Rjadownja 10 přewza při tym wosebitu funkciju, mjenujcy wólbne předsydstwo. W jeje zamołwitosći ležachu přihot, přewjedženje, wuličenje hłosow a wuhódnoćenje wólbow. Šulerjo a šulerki zaběrachu so w přihtowanskich hodžinach z temomaj „demokratija“ a „wólby“.



Wobsahi běchu mjez druhim: wotběh wólbow, „Štó smě wolić?“, rozděl přenjeho a druhého hłosa, wólbne programy a „Wahl-o-mat“. Po wólbach přirunowachu so wuslědky juniorowych wólbow z wuslědkami wólbow krajneho sejma. Při tym zhonichu šulerjo a šulerki, kotre nadawki dobyćerska strona po wólbach ma. Zapłać Bóh wšěm wobdźělnikam a wosebje wulki džak šulerjam 10. lětnika. Za šulerstwo a wučerjow běše to dobre politiske nazhonjenje. Přichodny raz chcemy so zaso na juniorowych wólbach wobdźělić.

- tekst: Křesćan Zahrodnik a Mathias Klimank -

INFORMACIJE – TERMINY – WŠELČIZNY

1. nazymnika
20. nazymnika
29. nazymnika

wariabelny swobodny džeń
pokutny džeń
wiće adwentneho wěnc

zbytne wobrazy: www.pixabay.de